



## Txoj Hauj Lwm Pab Tib Neeg Kev Tuaj Nyob Tshiab

### KEV HLOOV PAUV RAU COV KEV PAB CUAM VIM TUS KAB MOB COVID-19

Kev pab txhawb nyob rau hauv Txoj Haujlwm Pab Tib Neeg Kev Tuaj Nyob Tshiab muaj mus ntxiv rau cov neeg siv thaum lub caij muaj kev huaj vam ntawm tus kab mob COVID-19. Txawm li cas los xij, txoj hau kev muab cov kev pabcuam tej zaum yuav hloov mus raws li cov lus qhia txog fab kev noj qab haus huv.

Thov hu ncaj nraim rau koj **tus neeg muab kev pab cuam HSP** los tham txog cov kev npaj tshiab no.

Kawm paub txog tus kab mob **COVID-19 thiab nws cov tsos mob**.

### Txheej Txheem Cej Luam

Txoj Haujlwm Pab Tib Neeg Kev Tuaj Nyob Tshiab (HSP) yog muab txhawb nqa rau cov neeg nkag teb chaws ntawm kev pab tib neeg los tsim cov kev txawj thiab kev paub uas lawv xav tau los ua ib tus tswv cuab hauv zej tsoom neeg Australia uas muaj kev vam khom tus kheej thiab nyob nquag plias.

HSP muab qhov kev pab sawv cev rau tsoom fwm Australia los ntawm cov neeg muab kev pabcuam tau cog lus tseg nyob thoob teb chaws Australia. Kev koom nrog hauv HSP yog los ntawm kev yeem dawb thiab cov kev pabcuam raug muab rau cov neeg siv raws li cov txheej txheem tswj raws cov kev xav tau.

HSP cov neeg muab kev pabcuam txhawb cov neeg siv kom ua tiav cov haujlwm tseem ceeb hauv qab no raws li lub hauv paus rau kev tuaj nyob tshiab kom tau zoo:

- Kev Ua Haujlwm
- Kev kawm ntawv thiab kev cob qhia
- Cov kev pab cuam fab lus
- Vaj Tse Nyob
- Kev tswj nyiaj txiag
- Kev noj qab haus huv fab lub cev thiab fab siab ntsws thiab kev nyob zoo
- Kev koom tes hauv zej zog thiab kev koom pab pawg
- Kev khiav dej num hauv tsev neeg thiab kev txhawb nqa sim neej
- Kev Ncaj Ncees

HSP raug tsim los ua haujlwm ua ke nrog lwm cov kev tuaj nyob tshiab thiab lwm cov kev pabcuam tseem ceeb. Nws tau mob siab rau pab cov neeg siv los kawm lus Askiv thiab tau txais txoj kev kawm tsim nyog thiab cov kev paub ua haujlwm kom paub txog tias cov txiaj ntsig zoo tau los hauv cov cheeb tsam no pab tau cov tib neeg nkag teb chaws pab tib neeg yoog mus tau raws li neeg Australia lub neej.

HSP cov neeg muab kev pab qhov chaw thiab cov ntaub ntawv sib tiv tauj yog muaj nyob ntawm **no**.

## Kev Tsim Nyog Tau Txais

Thaum ib tus neeg twg tau txais ib hom ntawv nkag teb chaws hauv qab no rau mus nyob hauv teb chaws Australia, lawv raug xa mus rau los ntawm Lub Tsev Haujlwm Saib Xyuas Neeg Hauv Teb Chaws mus rau HSP ib tus neeg muab kev pab cuam kom nkag tau mus rau txoj kev pab txhawb nqa hauv HSP thaum lawv tuaj txog hauv teb chaws Australia.

- Daim ntawv nkag teb chaws neeg tawg rog (cov hom me 200, 201, 203 thiab 204); thiab
- Daim ntawv nkag teb chaws Kev Pab Tib Neeg Ntiaj Teb Tshwj Xeeb (hom me 202) (tsis suav nrog cov neeg koom tes hauv Txoj Hauj Lwm Pab Txhawb Zej Zog).

## Cov Kev Pabcuam

HSP cov thawj tswj hwm teeb meem ua haujlwm sib koom tes nrog cov neeg siv los tsim kho phiaj xwm kev tswj hwm ib tug zus thiab muab cov pob kev pabcuam raws li lawv cov kev xav tau.

Cov kev pabcuam suav nrog kev pab txhawb nqa thaum ntxov xws li:

- kev txais tos tom tshav dav hlau
- kev pab cuam thaum tuaj txog chaw thiab kev coj mus rau lub vaj tse nyob
- muab kev pab cov khoom noj hauv thaum pib thiab cov pob khoom tseem ceeb
- kev pab sau npe nrog Centrelink, Medicare thiab sau npe rau hauv txhab nyiaj txiag
- muab kev pab rau txoj kev xav tau kev noj qab haus huv tam sid
- muab cov lus qhia txog ntawm yuav ua li cas thaum muaj xwm txheej ceev thiab yuav ua li cas nkag tau rau cov kev pabcuam txhais lus
- kev qhia rau cov kev pab cuam hauv zos.

Lwm cov kev pabcuam muaj los pab cov neeg siv ua tiav lawv cov txiaj ntsim kev tuaj nyob uas suav nrog:

- muab cov kev pab Qhia uas pab txhim kho cov neeg siv txoj kev paub txog neeg Australian txoj kev ua neej thiab qhov tseem ceeb
- kev pab mus rau cov chaw peev txheej pab cuam ncu ntev
- pab txhawb kom nkag tau cov kev pabcuam tseem ceeb, suav nrog cov kev pabcuam kev noj qab haus huv thiab kev txhawb nqa tsev neeg
- sib txuas mus rau cov pab pawg hauv zej zos thiab cov dej num
- pab txhawb nqa kev cuv npe rau Qhov Kev Kawm Lus Askiv Rau Cov Neeg Khiav Tebchaws Uas Yog Neeg Laus (AMEP) thiab koom cov kev kawm
- pab txhawb nqa sau npe rau hauv qhov kev kawm thiab kev cob qhia uas muaj feem xyuam thiab paub txog cov kev txawj ua ntej tuaj txog thiab cov kev tsim nyog
- pab rau mus koom nrog cov kev pabcuam kev ua haujlwm, siv cov tswv yim kev ua haujlwm thiab nkag mus rau cov kev pabcuam txhawb rau kev tsim kev lag luam.

HSP cov neeg muab kev pabcuam tseem tuaj yeem pab txhawb nqa kev xa cov ntawv thov Kev Pab Txhais Ntawv Pub Dawb (FTS) rau FTS cov neeg siv uas muaj cai uas tsis tuaj yeem xa hauv online.

Kev tawm ntawm HSP mus yog nyob ntawm cov neeg siv txoj kev ua tiav cov txiaj ntsim kev tuaj nyob tshiab uas tau qhia nyob rau hauv lawv qhov phiaj xwm kev tswj hwm xwm txheej. Rau feem coob ntawm cov neeg siv khoom, yuav ua tau tiav cov txiaj ntsig no nyob rau hauv 6 txog 18 lub hli suav txij hnuv tuaj txog rau hauv teb chaws Australia.